




Plata dla Ploania Antermëia Sant'Antone Abat

Ploan: **siur Paul Campe**
E-mail: **campei.paul@rolmail.net**

Calonia: **0474/520012**
Siur Paul: **380 7345533**

UNITÉ PASTORALA



VAL BADIA
www.unitepastorala.org

Ann A

**23.04.2017 - Secunda domënia de Pasca
- domënia blancia - domënia dla
misericordia de Chelbeldi**


n. 22

Odëi cun i edli dla fede

📖 **St.Ap 2, 42–47 | 1 Pire 1, 3–9 | Jan 20, 19–31**

Dal Vangele do San Jan:

¹⁹La sëra dl pröm dé dl'edema, canche i discepui â dala tëma dan dai iüdes sarè pro les portes, é gnü Gejù, é jü amesa ëi ite y ti à dit: Pêsc a os! ²⁰Do chëstes parores ti àl mostrè sües mans y so costà. Dailó se ralegrâ i discepui da odëi le Signur. ²¹Gejù ti à ciamò n iade dit: Pêsc a os! Sciöchë le Pere m'â menè mè, insciö ves mëni iö os. ²²Do ch'al à albü dit chësc, ti àl fladè ados y ti à dit: Recioiéde le Spirit Sant! ²³A chi che os ti lascëis do i piçià, ti ési lascià do; y a chi che os ne ti ai lascëis nia do, ne ti ési nia lascià do. ²⁴Tomesc, nominé Didimus (jomelin), un di dodesc, n'ê nia pro d'ëi, canche Gejù ê gnü. ²⁵I atri discepui ti à spo dit: I ùn odü le Signur. Al ti à respognü: Sc'i ne vëighi nia les ferides di agüs te sües mans y sc'i ne pò nia mëte mi dëit tl büsc di agüs y mia man te so costà, ne creïi nia. ²⁶Otedé do ê sü discepui indô abinà adöm, y Tomesc ê laprò. Dailò é gnü Gejù – les portes ê stlütës pro – é jü amesa ëi ite y à dit: Pêsc a os! ²⁷Spo àl dit a Tomesc: Tëgn ca to dëit – chilò é mies mans! Tëgn ca túa man y mëtela te mi costà, y ne stè a ester descredënt, mo credënt! ²⁸Tomesc ti à respognü: Mi Signur y mi Dî! ²⁹Gejù ti à dit: Deache te m'as odü, creïeste. Beâc é chi che ne vëiga nia y creï impò ...



Zuspruch

AM SONNTAG

Zweiter Sonntag der Osterzeit A

Wo der menschliche Zweifel nicht ist,
da ist nicht die Antwort des Heiligen
Geistes.

Hildegard von Bingen

📖 **Letöres dla Terza domënia de Pasca:**

St.Ap 2, 14.22–23 | 1 Pire 1, 17–21 | Lc 24, 13–35 o Jan 21, 1–19

Edema liturgica dai 23.04. ai 30.04.2017

2016	Ora	Mëssa
23.04 DOMENIA BLANCIA dla Misericordia divina (indulgënza plenaria)	9.30 10.00 11.00	Corona Gran Mëssa por la comunité a onur de s. Antone, abat families Agreiter, Tru ++ Pire y Angel Castlunger Bato de Annalena y Maximilian Chizzali
LÖNESC 24.04	7.25	s. Mëssa + + fam. Vijo Agreiter
MERTESC 25.04 s. Merch, evangelist		
MERCUI 26.04	7.25	s. Mëssa di scolari + Franz Irsara
JÖBIA 27.04		
VENDRES 28.04	7.25	s. Mëssa ad intenziun
SABEDA 29.04 <i>s. Ciascian martir a</i> <i>Imola</i> <i>s. Vigile vesco de Trent</i>	18.30	s. Mëssa prefestia + Iarone Rubatscher ad intenziun
30.04 3. DOMENIA de Pasca Festa dla Pröma Comuniun	9.45	Ingres dala scora: scolars, musiga, <i>comunicanc, cui geniturs, sorvidus y prou, toc,</i> <i>parentela, düc.</i> Gran Mëssa ciantada dai scolari <i>a onur de s. Ujöp Frenademetz</i> <i>fam. Pepi Dejaco (rengraziamënt)</i> dedô incuntada cun la comunité y concert



Informaziuns y terminns

Pröma Comuniun: *al foss ince chilò d'èr bel, sce la popolaziun foss presènta, al é festa de döt le paîsc y no ma di comunicanc y sües families.*

Siur Paul, ploan

En jöbia, ai **26 de aurí** vëgnel dales 14.00 inant **lavé la dlijia** por la Pröma Comuniun.

En **jöbia ai 27 d'aurí** vá le **grup Atmosfera** cun Irina Tavella y Barbara Rungger tl urt de erbes y ciüfs dla distilaria Bergila a Issing dlungia Falzes. Dailó spazirada cun spligaziuns y consëis sura erbes y plantes ch'an pó adoré ince a ciasa. Dedô wellness de 5 menüc te na stüa de cir cun rames de barantli. La jita é debann mo prenotesse 0474 524 552. I s'incuntun dales 15.00 tla sènta dl Raiun Sozial a Picolin. Info: Sabine Rainer 0474 524 519.

Dala Val Badia vá en vëndres, ai 28 d'aurí, n **bus jö da Padre Pio a S. Giovanni Rotondo** y vëgn indô a ciasa en lönesc, al 01 de ma, storjon pro a Loreto. Al é ciamó posc lèdi, prenotesse atira pro Lisl d'Antermëia 0474 520 013.

La **Uniun dles Patrones** met a jí n **curs** cun Manuela Promberger y Nicole Irsara pur imparè **da fa plü sorts de treces** en lönesc ai 24 de aurí dales 09.00 ales 11.00 a San Martin de Tor. Informaziuns y prenotaziuns pro Loise al nr. tel. 0474/590026.

Baratada di ciüf ai 10 de má dales 20.00 tl salf di studafüch a S. Martin de Tor. La Referentin Sabine Schrott se fajara n bel referat sura "Junpflanzen, Gewinnung von Saatgut, Vermehrung und Erhaltung. Purtesse para ciüf, pelzes y sumënzes che ne adorëise nia plü, denanche co les sciuré demez y gnide a se to val che ne ëise nia ciamó. Dales 19.30 él la poscibilitè da dé jö le patüc te salf. Gnide düc, al é interessant.

Ciasa dl Parch natural Fanes-Senes-Braies: Inauguraziun dla mostra "Le cerf" y **referat** de Luca Pedrotti, che à coordiné les inrescides sura le cerf tl Parch nazional Stelvio/Stilfser Joch: "Vagabondi delle Alpi - mobilità e migrazioni stagionali del cervo". Vëndres, ai 28 de aurí, dales 20:00 tla Ciasa dl Parch natural a Al Plan.

Zënter Families Mareo - Curs da fá massaji ai pici mituns che á da 6 edemes a 6 mëisc - al gnarál mostré la basa por n massaje che vá bun por renforzé la relaziun y comunicaziun cun i pici mituns, da tó ca sciöche pice ritual o sciöche aiüt por les coliches. Ai 4/05 y ai 18/05 tal Zënter Families Mareo dales 10.00-11.00. De plü informaziuns y prenotaziuns pro Sofia al tel. 338/7173577.

Le **dotur dr. Agreiter Eduard** ne é en lönesc ai 24.04.2017 nia te ambulatore a Antermëia.




La **doturia Margarete Mahlknecht** é demez dai 24 ai 28 d'aurí y vëgn sostituida dal dotur Eduard Agreiter 333 13 80 852.

***La comunité di discepuj do Pasca é
d'ejèmpl por la comunité cristiana***

Tomesc, che s'un ê sté fora dala comunité y n'ê nia dailó (anfât por ci gauja) canche le Ressorí ê comparí le pröm iade, é impó bëgnodü, le cërtil di discepuj ne le stlüj nia fora. Ince sce Tomesc n'ê nia bun da crëie, ch'ai â odü Gejú, fejel impó pert de süa comunité. Dübi pó gni dic fora, ai ne stlüj nia fora. Forsc ciodiche i atri discepuj se recordâ che ince ëi â albü sües deblëzes y sü dübi. Insciö dess la comunité ester n post, olache degügn n'á bria da se mostré atramënter co ch'ai n'ê.



Mësses a Rina:	Dom 8.30 Dedol. 19.30 Jöb 7.25 Sab 19.30 Dom 8.30
Mësses a San Martin:	Dom 10.00 Jöb 7.30 Sab 18.30 Dom 9.30

	24.04 - 29.04	Ilary - Marc
	30.04.2017	Vanessa – Devis – Oscar - David
	29.04.2017	Lucia Turnaretscher
	30.04.2017	(Pröma Comuniun)
	Les mius aodanzas por le compliagn ti fajunse a Clara Regina (88). Döt le bun.	